



Anglican Church of Canada Zhid Gwats'at Dinjii Zhuh Nat Ts'at Nits'òo Tr'igjjheh Gwidinehtl'ee

Primate, Archbishop Michael Peers, National Native Convocation eenjit liljilt ts'at gjjheh vigwindak.
Jii t'at kaiik'it Minaki, Ontario gwa'an. Łuk Tr'a'aa Drin, Vananh Gwijidhitsik 6.
Nagwidadhat 1993 gwats'at.



Shi lák kat

Zhat danh, nakhwat'ich'uh gwats'at nitsoo
ye'eenòo ge'oonatan zheh gwizhit nits'òo nakhwa
tagwijùudhat gugwindak díith'ak.

Nitsòo juk drin aii gwats'at nakhweenjit ts'ik
gwiiginjik ts'at jidii gwiizruu nakhwats'at t'agweedi'ih
tth'ak ganoundaii gwidiith'ak.

Jùu nakhwats'at t'igweedi'ih geenjit òozhii ts'at
nakhwaginilii kwaa k'it sheenjit goonlih. Jii t'at shilák
kat ts'at nakhwat'igjjkhyii zheh geenjit gwitr'it'agwa'ii
kat jùuts'an' ts'at gwitr'it'agugwa'ih eenjit.

Jii juudin kat gjjheh, nakhwagwindak chidhal'ee ts'at
nakhwanh chan nakhwachidhàa'eh.

Jii nakhwats'at gwiizruu t'agweedi'ih srii nee'hoozhii
eenjit nakhwakaiik'it gwizhit srii t'inaanch'uu kat
gwitr'it'agwa'ii gwiji'tth'ak geenjit shòh ihh. Tth'ak
neetoozhii eenjit gwitr'it' gwiinchii yeenoo niinzhit
gwits'at goo'aai gashindaih.

Shii, shilák kat chan ts'at nakhwat'igjjkhyii zheh,

tth'ak ts'at dagwidizhik k'iighè' dhaatsik ts'at
sriineekwihidala ga'iidindaih.

Sriineekwihidalah kwaa jih, yeendòo nitsòo
niinji'gwidadhat gwinjik chuk-hee hiidadah ts'at
nihk'it gwiizruu t'agweheech'ah.

Dinjii nat, kaiik'it leii gwats'at t'iinch'uu kat
neegàhazhii ji' niinzhuk gwaheedhaa gashindaih.

Jii gashindaih, Kekwaadhat sriinagwilik, ako
dagwiiniindhan' ji' t'at kheenjit gwitr'it'agwaa'ih
ji', nikhwagwidiinjik, ts'at nakhwiozhii vats'at
igwijaatcheii. Juk t'at juu daiinithan gwinjik
nakhwagihikhyah.

Jii nitsòo srii t'agwaa'ih kwaa, juk Kakwaadhat
vindah goohjald ts'at juu didijah.

Nakhweenjit tchidagwijidhaatsaih, kheenjit
tchidagwijidhaatsaih, Nakhwee-kakwadhat ts'at chan
tchidagwijidhaatsaih.

Łòòhah, srii gwitr'at'agwaa'ii kwaa kat jaa iidilih ts'at nakhwizheh, ts'at nakhwizheh k'oo gwats'at nakhwatr'iinin kat oodhiidinjik.

Łòòhah, nakhwak'uu t'ahóch'aa niidithan' ts'at nakhwiginjik ts'at juudin óhlii nakhwats'at oohiidindal gugk'agwiidindaih, eenjit sheenjit gwiizuh.

Łòòhah, jii gaonatan zeh kat gwizhit leih kat dzee goots'at t'agweedi'ih: gwiinlit gwizhit, tr'igwaanduu nakhwats'at t'angweedi'ih; eenjit sheenjit gwiizuh.

Anglican Church of Canada eenjit juk jii nits'òo tagwijuudhat geenjit srii neegwihida'aa niidadhan.

Leih kat nakhwitr'igijikhyii zhit giinlih, National Executive Council kat, nakhwigwindak lat hagdindaih. Nakhweenjit guudjiinuh shigānuh, "Yeendoo srii neegwihida'aa gadiinjiiidazhit."

Leih kat, nakhwigwindak hagdindaih kwaa eenjit juu dijīnuh.

Leih kat chan, nakhwoozri' zhit juu tagwijuudhat kwaa giiniinthan'.

Shizheh k'oo nagwinalih tl'ee Gihkhyii kat tthak nits'òo nakhwats'at giihè' guvagwahaldak. Tthak ts'at guuts'at oojīhiishakat ts'at duuleh lee shii, ts'at National Executive Council jii srii neegwihida'ah gwitr'it nakhwikaiik'it gwa'an gahsrii-nitr'igwehee'aa geenjit nakhwats'at tr'qji' guuhajjah. Bishop srii t'anaanch'uu ada'hee jii gwinjik gwitr'it'agugwa'ih.

Dagwinaanch'it zhuu nakhwats'at tr'igijhè' ts'at nakhwats'at tr'itr'iinjih kwaa gashindaih. Shidrii gwats'at, nakhwitr'igijikhyii gwats'at nakhwazrii Kakwaadhat jii sriineegwihida'ah gwinjik tthak hiidadah.

Jii kat k'iighè' duuleh nakhwats'at tr'itr'iinjih gakhwindaih:

- Residential School Working Group (Yeenoo Ga'oonatan Zeh eenjit Gwitr'it'agwaa'ii kat)
- The Video (aatshintr'aa'ii)
- Special Assistants to the Primate (Primate ts'at nuu kat)
- Grants for healing Conferences (tseedhoh natrahaazhii eenjit dhidlii)

Juk t'at Kreist Galtsak Drin, jii drin zhit t'at Jesus khainjidhidhat ts'at naniindhat. Hiroshima gwa'an tr'igwīldoo t'ānagwithidhat jii łq̄qhah gougoonuu nihts'at gwiltsaih.

Tr'igwadoo goo Kreist Galtsak Drin łoo khajikoo goonlih kwah. Kekwaadhat Jesus nanataali' ch'itchi' gwats'at jii gwindaii ts'at shik geenjit vit t'agwidj'ee gwiheelah; shik akoo shik geenjit.

Shoodhadhóch'eih eenjit hai' nakhwahnuh,

+ Michael
Archbishop and Primate

Primate, National Native Convocation danh gijjeh gwidii Vi Smith, anjoo kat ts'at juudin izhik łiljil eenjit juudinuh. Jii t'at kaiik'it Minaki, Ontario gwa'an. Nagwidadhat 1993. Drin Yeet'ii, Vananh Gwijidhitsik 7.dai' gwinoo juudjiinuh.

Jii łitr'aljil geenjit, Primate vaazhii Anglican Church of Canada eenjit yeenoo nits'òo t'agwijuudhat eenjit gwiizii nakhwats'at gijjeh geenjit hai' oojidinuh.

Didrii ts'at gijjeh, veets'it kwaa hah, rsigoonjaa ha, k'adagwijj'ee hah, ts'at kharsijilaih kwaa hah chan gijjeh. Nakhwanh chan vik'it t'iiniidadhanh ts'at gwiizii goodhiidinjik. Nakhweekakwaadhat jii dathak eenjit hai' vintl'atagidilih.

Jii łoo gígwidhan' kwaa ga'iidindaih. Nakhwidrii zhit vanahaandà' ts'at yeendoo vigwitr'it eenjit shik Kakwaadhat taih ts'at gwizhii yits'anhatsaa eenjit gidiniidajih.

PHOTO: P7538 (317) All Saints' Residential School, Lac La Ronge, Sask. - tug of war -- [192_?].

June 2011